



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

53. Ad summi Dei &c. Qua Judicium Episcopale Ticini habitum de Corpore
sancti Augustini Hipponensis Episcopi & Ecclesiæ Doctoris, ibidem servato
in Confessione ædis sancti Petri in Cœlo aureo ...

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

ANNŌ
1728.

D. Francesco Cumbo Giudice della R. G. C. Civile.
 D. Francesco Gastone Avvocato Fiscale della R. G. C.
 D. Giuseppe Papè Prorotot.
 D. Antonino Crimbella Giudice del Concistoro.
 D. Placido Loredano Giudice del Concistoro.
 D. Giuseppe Catena Giudice del Concistoro.
 Gio. Tomaso Loredano Pref. del. Trib. R. P.
 D. Joseph Rifos Consulatore.
 D. Calogero Gabriele Colonna M. R.
 D. Blasio de Spuches M. R.
 Pietro Filingeri M. R.
 D. Antonio Marchese M. R.
 D. Rosario Frangipane M. R.
 D. Antonio Sandoval M. R.
 D. Joseph Domingo de Hoz Conservatore.
 D. Girolamo Arena Avvocato Fiscale.
 D. Giuseppe Abadal Mastro Secreto.
 D. Francisco alias Auditore generale.
 D. Francesco Agraz Tesoriero generale.
 D. Antonino Luchese Mastro Portolans.
 Dominus Vicerex & generalis Capitaneus mandavit mihi D. Joseph Papè prothonotario, & vidimus omnes de sacro Regis Consilio presentes in Curia.

LIII.

Qua Judicium Episcopale Ticini habitum de Corpore sancti Augustini Hipponensis Episcopi & Ecclesie Doctoris, ibidem servato in Confessione ædis sancti Petri in Cælo aureo, adprobatur & confirmatur.

BENEDICTUS EPISCOPUS,

Servus Servorum Dei, ad perpetuam rei memoriam.

I.
Dei gloria in
Sanctis ejus
amplificata.

AD summi Dei gloriam in sanctis ejus amplificandam mirabile nuper factum est in oculis nostris, dum exuvia sancti Augustini Hipponensis Episcopi & præstantissimi Ecclesie Doctoris, quarum venerationem antiquus Dei & sanctorum hostis aliquandiu perturbare tentaverat, tandem omnium Christi fidelium cultui, pristinaeque honorificentiae, universa Ecclesia plaudente, restituta fuerunt.

II.
Corpus sancti Augustini
Hipponensis in
Sardiniam, atque hinc
Ticinum translatum,
ubi pridem repertum est.

Probatisimis literarum monumentis constat, Vandalorum persecutione in Africanam Ecclesiam excitata, sanctissimos illarum partium Episcopos, & fidei catholice confessores, in Sardiniam exilio damnatos, Corpus eximii Doctoris sub finem sæculi V. secum in eandem insulam transtulisse, ibique usque ad initium sæculi VIII. Christiana, id est maxima, religione custoditum. Tunc enim Saracenis, qui in Sardiniam irruerant, loca sacra impie scelerantibus, Luitprandus Longobardorum Rex sanctarum Augustini Reliquiarum pietate motus, per Legatos ab se illic transmisissos, magno eas pretio redimendas, & Ticinum, quæ alias Papia dicitur, sacra pompa transferendas curavit, ubi in Confessione ædis sancti Petri in Cælo aureo, tunc primum ad hoc unum jussu Regis extracta, Augustiniani Corporis thesaurus debito tanto Patri honore depositus fuit, populisque devotionis causa usque ad nostram ætatem illic undique confluentibus, in ejusdem Confessionis crypta inter puteum, aqua salutaris manantem, & altare inferius piissimo studio servatus est. Tandem vero die 1. Octobris anni Domini MDCXCV. albus marmoreus sarcophagus sub mauseoleo lateritio ibidem loci detectus, in quo sacratissima Augustini exuvia, in arca argentea clausæ, repertæ fuerunt: quæ omnia coram plurimis testibus canonicè comprobata, per

curiæ episcopalis ministros & actuarios, in processus & commentarios, publica auctoritate munitos & summa fide conscriptos, tunc digesta, perque totum quinquennium adversus quorundam dubitationes non segniter agentibus Fratribus Eremitis ordinis sancti Augustini, qui in eadem sancti Petri Basilica æque ac Canonici regulares Congregationis Lateranensis, alternis mensibus divina officia persolvunt, disceptata fuerunt, donec unus & triginta factæ paginæ, & decretorum Doctores pro iisdem Augustini Reliquiis sententiam suam, mira consensione firmatam, scripto ediderunt.

Quum verò ad audientiam nostram pervenisset, ob non extinctas & abolitas iudicio episcopali Ticinensium Præsulum ejusmodi dubitationes, venerandos tanti Doctoris cineres, quasi incertos, sine debito honore habitos, nos rei gravitate percussis, literas nostras sub annulo piscatoris die xxiii. Januarii hujusce anni ad venerabilem fratrem Episcopum Ticinensem dedimus, ei seriâ injungentes, ut iudicium de invento illic sancti Augustini Corpore, ulteriori dilatione sublata, secundum Deum & veritatem, ceteris quaestionibus de alio corpore inveniendi remotis, ad finem perduceret: illi præterea mandantes, ut cavillationibus eorum, qui decisionem ac definitionem hujusce causæ impedire tentassent, etiam per ecclesiasticas censuras occurrere deberet, utque illis, à quibus causa cognoscenda esset, iisdem adhibitis, si opus esset, remediis, ediceret, ne ullis officiis, commendationibus, aut partium studiis obsequerentur; sed solum Deum veritatis præ oculis haberent. Et ne in re tanta definienda novis procrastinationibus locus esse posset, bimestre tempus huic iudicio conficiendo præfiximus. Has verò literas dilectus filius Fulgentius Bellellus Prior generalis Fratrum Eremitarum totius ordinis sancti Augustini, in cœnobio juxta prædictam ædem sancti Doctoris, alias sancti Petri in Cælo aureo, Ticini constitutus, ipsi Episcopo per dilectos filios Josephum de Gregoriis à sancto Elpidio & Aloysium de Bellagente Ticinensem, Fratres Eremitas ejusdem ordinis, tanquam speciales procuratores in hac causa à se deputatos, præsentari curavit.

Episcopus Ticinensis acceptis literis nostris, & iudicis vocatis vocandis, qui olim pro identitate sacri Corporis declaranda, nomine eorumdem Fratrum Eremitarum, in memorato cœnobio degentium, vocati fuerant, inspectisque actis, in eadem causa à mense Octobris anni MDCXCV. usque ad mensem Martium anni MDCXCIX. confectis, una cum visitationibus & recognitionibus ipsius Corporis sancti Augustini, annis MDCXCV. MDCXCVI. & MDCXCVIII. pariter factis, nec non iuribus, documentis, testium depositionibus, aliisque monumentis & scripturis, tunc & subsequentibus annis publica auctoritate exaratis; compluries etiam Theologis, sacrorumque canonum interpretibus coram se congregatis, quos ex piis doctisque viris ad præscripta sacrosancti Concilii Tridentini, in consilium sibi adhibendos, delegerat, quibus penas, in iisdem literis nostris expressas, indixit, singula causæ momenta attente discussa & mature considerata fuerunt. Tandem vero idem Episcopus die xxv. Junii una cum iisdem suis hac in causa consiliariis, ab se se delectis, coram Fratribus Eremitis Augustinianis, & Canonicis regularibus Lateranensibus sacrum Corpus in Confessione repertum anno 1695. post recitatum ad aram maximam hynum, *Veni creator Spiritus*, ex Confessione in capsâ clausam ad eandem aram per sex presbyteros inter accensa funalia reverenter perlatum exacte & sedulo visitavit diebus xxv. & xxvj.

III.
Summus
Pontifex iudicium
episcopale de eodem
Corpore
peragi jubet.IV.
Ad canonicas
Ecclesie
regulas idem
iudicium
episcopale
peragitur.Sessio xxv.
ante cap. 1o.

A N N O
1728.

Junii adhibitis experitiis civitatis Anato-
mes professoribus, iurjurando de veritate di-
cenda obstrictis, qui singulas sacri Corporis
Partes studiose recognoscens, *os brachii sinistri*
ab humere ad cubitum, atque aliud, quod *at-
las* vocatur, deesse animadverterunt: quorum
primum Ticini à felicitis memoria decessore no-
stro Benedicto Papa VIII. beato Egelnotho Pri-
mati Cantuariensi dono traditum fuerat; al-
terum vero in Dalmatia servatur in thesauro sa-
crarum Reliquiarum metropolitanæ Ecclesiæ
Raguzinæ. His peractis, sacroque deposito
in pristinum Confessionis locum eadem cere-
monia restituto, idem Episcopus Ticinensis
solemnis supplicationes, aliasque publicas &
assiduas preces, ad divinam opem, pro recto
iudicio secundum Deum & veritatem ferendo,
impetrandam, indixit, quibus devote cum
utroque Clero & populo civitatis interfuit; vi-
sisque tandem omnibus videndis, & confide-
ratis considerandis, congregatisque iterum co-
ram se sacre Theologiæ magistris, & cano-
num professoribus, quos, uti jam diximus,
ad sanctiones Concilii Tridentini antea in consi-
lium vocaverat, quique decem & septem nu-
mero pro veritate atque identitate Reliquiarum
sancti Augustini unanimes sententiam tulisse
memorantur, ipse coram dilectis filiis Priore
generali totius ordinis Fratrum Eremitarum sancti
Augustini & Præposito Canonicorum regula-
rium Congregationis Lateranensis, atque ali-
orum complurium, qui illuc, supremum hæc
de re episcopale iudicium audituri, conven-
erant, post missæ sacrificium de Spiritu sancto
celebratum, solum Deum veritatis præ oculis
habens, hoc eodem anno 1728. Indictione vi.
Feria vi. die xvi. mensis Julii hora tertiariam
in episcopio pro tribunali sedens, hoc decretum
eum plena causa cognitione pronunciavit.

*Christi nomine repetito, per hanc nostram defini-
tivam sententiam dicimus, pronunciamus & decla-
ramus, satis constare. Corpus inventum in
confessione templi sancti Petri in Cælo auro hujus
civitatis die prima Octobris anni MDCXCV. &
nuper per nos recognitum, ac sigillo nostro munitum,
esse Corpus sancti Augustini Ecclesiæ Doctoris,
ideoque pro tali esse colendum, & publicæ fide-
lium venerationi exponendum.*

D. Franciscus Episcopus Papiensis.

Nuncio tam sancti, tam gravis & maturi
iudicii episcopalis ad nos perlato, præ gaudio
exsiliit cor nostrum, summaque lætitia perfusi
gratias Deo egimus, quod suam gloriam in
sancti Augustini exuviis canonicè vindicatis au-
gere voluerit, quem ob sanctimoniam, atque
intemeratam doctrinæ excellentiam, ut fulgen-
tissimum Ecclesiæ lumen, Innocentius, Zosi-
mus, Bonifacius, Cælestinus, Gelasius, Hormi-
sidas, alique decessores nostri Romani Pon-
tifices magno semper in honore habuerunt,
nosque ipsi, ut parentem æque ac magistrum
veneramus, ut pote cujus regulam & doctrinam
in nostro Prædicatorum ordine à primis adole-
scentiæ annis professi sumus, & favente Deo pro-
ficemur. Ut autem nostrum juxta ac totius
Ecclesiæ gaudium ubique diffunderetur, per
litteras nostras universis Christi fidelibus inscrip-
tas die iv. Augusti, omnibus & singulis utrius-
que sexus, verè penitentibus & confessis, qui
aliquam ex Ecclesiis tam Færum, quam for-
orum ordinis Eremitarum sancti Augustini, ubi-
cumque existentem, die, per Ordinarios lo-
corum designando, visitassent, atque ibi pro
Christianorum Principum concordia, hæresum
extirpatione, ac sanctæ matris Ecclesiæ exal-
tatione pias ad Deum preces effudissent, ple-

nam omnium peccatorum indulgentiam & re-
missionem concessimus; dieque subsequenti alias
litteras dedimus ad Episcopum Ticinensem, ip-
sius pietatem & fidem laudantes, quod omnem
dubitationis nebulam de veritate Corporis sancti
Augustini tam accurato examine dissipare stu-
disset; districte interdicentes sub pœna excom-
municationis lææ sententiæ, ne quis auferre,
asportare aut distrahere quamlibet sacratissimi
ejus depositi particulam auderet. Subinde in
die festo ejusdem Ecclesiæ Doctoris xxviii. Au-
gusti ad ejusdem Titulum & cenobium Fratrum
Eremitarum nos ipsi accedentes, in illius hono-
rem sacrosanctum missæ sacrificium ritu pontifi-
cali celebravimus; adfidentibus nobis venera-
bilibus fratribus nostris S. R. E. Cardinalibus,
Patriarchis, Archiepiscopis & Episcopis; & post
peracta divina mysteria, in gratiarum actionem
pro sancto Corpore Inculente & canonicè
comprobato, hymnum, *Te Deum*, Christianæ
lætiæ prænunciium solemnè ceremoniæ præcinen-
t. s. in trinis personis unum Deum collaudavimus.

Ne verò ex pastoralis officii debito erga sanc-
tarum Augustini Reliquiarum conservationem &
venerationem à nobis quidquam prætermittatur,
quascumque dubitationes, controverfias, cau-
sas & lites de Corpore sancti Augustini quomo-
dolibet exortas sive introductas, illarumque ju-
ra, scripturas & titulos omnes præsentibus pro
plene expressis habentes, & quatenus opus sit,
ad nos advocantes, profus exingimus & abo-
lemus, & perpetuum silentium super illis impo-
nimus. Et ne unquam futuris temporibus de
prædicto episcopali iudicio, ad sanctorum Ec-
clesiæ regulas absoluto, possit quomodolibet
hæsitari, ad submissas preces dilecti filii Felicii
Leoni, totius ordinis eorumdem Fratrum Ere-
mitarum Procuratoris generalis, ejus libello
supplici nobis porrectas, pia recordationis an-
ecessoris nostri Martini Papæ V. vestigiis inha-
rentes, qui translationem Corporis beate Mo-
nica, venerabilis Augustini matris, ex civitate
nostra Ostiensi ad hanc eandem Ecclesiam do-
mus Fratrum d. c. i. ordinis Eremitarum sancti Au-
gustini factam, suis Apostolicis litteris, incipien-
tibus, *Pia caritas*, adprobavit; nos quoque
iudicium Episcopi Ticinensis de veritate Cor-
poris sancti Doctoris, ut apud Christi fideles no-
tius & manifestius evadat, ac devotio erga Au-
gustinum magis inflammetur, tenore præsentium
ratum & gratum habentes, ex certa scientia,
atque etiam motu proprio, Apostolica auctori-
tate undequaque adprobamus & confirmamus;
& perpetuis futuris temporibus firmum semper
& validum esse & fore decernimus, non obsta-
tibus quibuscumque.

Nulli ergo omnino hominum liceat hanc pa-
ginam nostræ constitutionis, avocationis, ex-
unctionis, abolitionis, silentii impositionis,
decreti, adprobationis, confirmationis & vo-
luntatis infringere; vel ei ausu temerario con-
trahere. Si quis autem hoc attentare præsum-
serit, indignationem omnipotentis Dei, ac
beatorum Petri & Pauli Apostolorum ejus se
noverit incursurum.

Datum Romæ apud sanctum Petrum Anno in-
carnationis Dominicæ millesimo septingentesimo
vicesimo octavo, decimo Kalendas Octobris,
Pontificatus nostri Anno quinto.

J. B. Archiepiscopus Nisibenus Subdatarius.

V I S A

De Curia J. Archiepiscopus Ancyranus.

L. Martinettus.

Registrata in Camera Apostolica.

Antonius Cajetanus Frosius R. C. A. Secretarius.

Super

V.
Decretum
Episcopi Ti-
cinenfis de
Corpore sanc-
ti Augustini.VI.
Summi Pon-
tificis & Ec-
clesiæ gaudi-
um ob vindi-
catas Augu-
stini Reliqui-
as.A N N O
1728.VII.
Judicium
episcopale
de Corpore
sancti Augu-
stini à sum-
mo Pontifice
confirmatur.VIII.
Nemo ex
infringere au-
deat.Xo. Kil. Oc-
tobr. 1728.